


Alketab ka angguy nak - kanak  
ka angguy

Lan-Jalananna  
Paulus se Ce'  
Bagussa



Etos bi': Edward Hughes

E elustrasi agi bi': Janie Forest  
Alastair Paterson

E potdhut bi': Ruth Klassen

E terjemah agi bi': Anik Kongariawati


E gabay bi': Bible for Children  
[www.M1914.org](http://www.M1914.org)


©2024 Bible for Children, Inc.

Ba'na bisa pa - banyak otaba anyitah careta', se abit tah juelah.




Paulus ban Silas, palayanna Yesus, badha e dhalem panjara. Buntan, oreng kadhuwe' jareya ta' alako kasalahan ban ngoser setan alowar dhari oreng babine'. Oreng jareya nonju'agi pojian gabay esembah bi' reng-oreng se badha e Filipi kobasa se bandher dhari Allah ban Ana'Na Yesus. Polana jareya salerana se kadhuwe' etangkep, epeccodi, ban epamaso' ka panjara.






Ponapa ba'na kerra  
Paulus ban Silas ce'  
peggella. Tape salerana  
se kadhuwa' ta' akantha  
jareya. Nyatana, e baja  
tengnga malem Paulus  
ban Silas manjeng  
ban anyanye ji-pojian  
ka Allah. Reng-oreng  
tahanan laenna ban  
panjagana panjara  
ngedhing sowarana  
se kadhuwa'.



O-tao, nyanyean enneng. Allah mabadha LENDHU  
kaangguy agundhek panjara. Bang-labanga panjara  
abukka' kabbi. Tay-rantayya para tahanan loccot  
kabbi.






Oh-oh! Para panjagana  
panjara nyangka ja' reng-  
oreng tahanan la padha buru.  
Bile badha settong oreng se  
buru, bakal eokom mate.  
Kalaban duka, panjaga  
panjara se ngetter  
jareya ngonos  
peddhangnga  
aradda'a. Aba'na  
pera' mateyana  
dhibi'na ban  
marelah sakabbina.



Tape Paulus kalowar ban  
aera', "Ampon ja' aradda,  
oreng tahanan gi' badhabe  
ka' iya sadaja." Bekto  
panjaga jareya nangale,  
aba' na ngoca', "Towan,  
ponapa se kodhu elakone  
kaula sopaja kaula  
epasalamet?" Saodda  
Paulus ban Silas "Paparcaja  
ka Guste Yesus Kristus,  
ban ba' na bakal  
salamadda, ba' na ban  
sadaja kalowargana."




Ce' peragga,  
panjaga  
panjara  
partaje ka  
Yesus.



Kalagguwanna Paulus ban Silas epakalowar dhari panjara, laju nerrossagi parjalananna ka ta-kottha se laen, acaca ka sadaja orang parkara Yesus. Pan-barrampan orang partaje, se laenna terro gabay sake'. Tape Allah nyarengan ka palayanna.





E settong malem, Paulus  
abu-dhabu abidda  
samalaman. Badha oreng  
ngodha toju' e penggirra  
candhelase e bukka'  
sampe' tatedhung pas  
labu. Ba'na bisa ra-kera  
apa se edaddiya.





Reng-oreng tao ja'  
oreng ngodha jareya  
la mate. Tape Paulus  
kalowar ban agellu'  
aba'na sarta adhabu,  
"Kana' reya gi' odhi'."  
Reng-oreng agibe  
oreng ngodha se  
odhi', kalaban ce'  
gumbirana.



Paulus ban Silas andhi' bannya' lalakon dhalem  
parjalanan ka Eropa. Sala settong dhari lalakonna  
Paulus se raja bekto badha e attassa kapal.

Jareya benni kapal motor,  
tape kapal lajar, daddi  
ce' gampanga e  
bang-ambing bi'  
kaleng busbus.






Paulus badha e attassa kapal amargha  
aba'na etahan pole. Sateya salerana ekerrem  
ka kaisar e Roma, kottha se raja e dunnya.  
Angen lao' ser-kalesserran, on-laon kapal  
jareya karam. Katonna gi' badha angen. Jareya  
parjalanan paleng jube' gabay Paulus ban tahanan  
laenna, jagan gabay para bandhiga kapal.




Tan-taretanna, sengko' nangale ja'  
parjalanan reya madhateng babaja  
ban Rogi se raja. Paulus pa'enga'  
kantha reya. Parwirana kapal ta'  
ngedhingagi oca'na Paulus. Daddi  
terros alajara. Bekto kaleng  
busbus nyerangnga,  
reng-oreng jareya  
nyoba'a nale'e kapal  
epakoko sopaja kapal  
jareya epanneng  
ban ta' ancor.

Manabi  
kapal jar  
ancor,


aeng ngoburra sakabbina.



Kapal epanneng elanyo' aeng egibe angen laju kapten  
marenta'agi saban oreng Buwang mowadanna kapal  
jareya. E are se katello, reng-oreng abuwang  
kas-parkakassa kapal  
kalowar. Manabi  
jareya bisa  
nolongnga.



E bekto malem, malaekad manjeng nyedding ka Paulus  
ban adhabu ja' sakabbina bakal salamadda. Se laen  
ce' gumbirana ngedhing dhabuna Paulus, "Paraja ate  
tan-taretan! Kaula partaje ka Allah, ja'  
sadjana bakal kadaddiyan akadi se  
ampon edhabuwagi ka kaula. Namong  
dhaggi' sampeyan  
sareng kaula bakal  
pandha'a kandhas e  
paseserra  
settong  
polo.



Pan-barrampan are, kapal esothoga angen ka paseser napa' ka polo Malta. Kapal jareya ekenneng bato ban tabelah. Parwirana kapal marenta'agi reng-oreng se bisa alangngoy esoro alonca' kalowar kapal ban alangngoy ka tenggangan.

Oreng tahanan salamat, pan-barrampan kaangguy pan-papan ban la-bella'anna kapal.



E Malta, Allah mabadha kobasana.  
Bekto reng-oreng akompol  
ngodhi'agi apoy, badha olar kalowar  
laju ngekke' Paulus. Teng-oreng  
pas mekker ja' salerana bakal mate.  
Tape kekke'anna olar jareya ta'  
gabay sake'. Laju reng-oreng  
mekker ja' Paulus jareya Guste.  
Bannya' orang  
dhateng, ban  
Guste pabaras  
reng-oreng  
Samarena Paulus  
adu'a kaangguy  
reng-oreng jareya.




Aherra, Paulus napa' e Roma. Parlo bekto dhu taon gabay eadili parkarana. Sa'abidda anante' bekto pangadilan jareya, Paulus nyewa'a bungko ban narema sapa'a bai se entar ka bungkona. Apa ba'na tao apa se edhabuwagi Paulus ka tamoyya?

Karaja'an Allah! Guste Yesus Kristus! Paulus aladine Guste e Roma, akantha sakabbina parjalanan se laen.



"Sengko' la berka' amba' pate, sengko' la napa' ka garis bates ban imanna gi' tetep." Paulus noles dhari Roma. Alketab ta' noles ka ba'na ban sengko' baramma'a odhi'na se aher, tape e catatan laenna ngoca' ja' Paulus e ketthok' cethakna marga parentahna kaisar Nero.

Paulus seda akantha beкто salerana odhi', Aladine Guste se gu-onggu imanna, ban acaca ka oreng laen parkara Yesus.



Lan-Jalananna Paulus se Ce' Bagussa


Alketab jareya nyareta agi firmanna  
Guste Allah

se e bedhe' e

Caretana Para Rasul 16, 27, 28

"Masuk ka firmanna Guste Allah e beri tera'."  
Bangsalam 119:130





Careta Alketab notorrangi Guste Allah paneka se becce se nyepa' agi manossa sopaja ba'na kenal ka salerana.

Guste Allah tao manossa ngaloko'agi se jube', se e sebut dusa. aokoman dusa jareya e patte'e, tape kataresna'anna Guste Allah ka manossa setalebat raja ban apereng Pottrana se coma settong, Yesus, se mate ekaju salib ban aokom kaangguy dusana ba'na. Laju. Yesus a bungo ban abali ka sowarga! Bile ba'na partaje ka Yesus ban apenta saleranan ngamponi dusana ba'na salerana angalako agi. Salerana rabu ban odhi ban ba'na sateya, ba'na odhi sareng salerana salanjangnga.

Bile ba'na partaje, ngadoa ka Guste Allah cara jareya: duh Guste Allah, abdi partaje ka Guste Allah, se daddi manossa laju seda sabab dusana abdi, ban Salerana odhi pole. Mara datheng ka odhi na abdi ban angapora dusana abdi, sopaje abdi odhi anyar, ban e are gu'laggu abdi oleh odhi ban Salerana. Abanto abdi noro'lampadda padana Salerana ban odhi na abdi daddi potrana Gustte Allah.

Ngabaca Alketab ban ngadoa ka Guste Allah ban are. Yahya 3:16

